


南豐曾子固先生集

六



南豐曾子固先生集卷第二十九

墓誌

戚郎中墓誌

太常博士吳君銘

高郵主簿墓誌

張久中墓誌

亡兄墓誌

王荆公祖母太夫人謝氏墓銘

王荆公母太夫人吳氏墓銘

朝奉郎守尚書戶部郎中知南安軍兼管內勸農

提點銀銅坑冶公事上護軍賜緋魚袋借紫威遠軍

余觀三王所以教天下之士而至於節文之者知士之出於其時者

皆世其道德蓋有以然也夫三王千數百年之間教法既已壞士之

學行世其家若漢之袁氏楊氏陳氏唐之柳氏其操義法風堅有以厲

天下矯異世否邪以余所聞若宋之戚氏其事可次叙焉公其家子

也敘曰公宋之楚丘人大父諱同文唐天祐元年生歷五代入宋皆

不仕以文學義行為學者師歿其徒相與號為正素先生後以子貴

贈兵部侍郎考諱綸事太宗真宗以賢能為樞密直學士其

兄職方郎中維以友愛聞祥符天禧之間學士以論天書絀而郎中

蓋亦舉賢良不就以為黜曰固公節善不合去蓋其父子兄弟之出

處如此學士後以子貴贈司徒公諱舜臣字世佐司徒之少子也恭

謹恂恂舉措必以禮擇然後出言與其兄某官舜賓其官舜舉復

以友愛能帥其家有先人之法度聞自天祐至今百有五十餘年天

下六易士之名一能守一善或身不終或至子孫而失者多矣而戚

氏之世德獨久如此何其感也然世之談者方多人之置子恆孫隆

名劇位世世苟得者以為能守其業是本何理哉公少以蔭補將

作監主簿年三十猶在司徒之側司徒終而官乃出監雍丘稅又

監衢州酒遷知舒州太湖縣兼提舉茶場治有惠愛民乞留詔

從之後三年乃得代獻詩言賦茶之苛歲用萬杖願不勿採以感動

當世歸昭在京監院言益之利宜通商聽之出通判泗州能使轉

運使不能以暴斂侵其民而民之養其父者得以義貫外又通判

當曰王則反於貝濮民相離幾亂公斬一人掘濮中者斫乃已



而提點刑獄以為功得改官公不自言轉知撫州其治大方務除苛
去煩州之詭祠有太帝號者祠至百餘所公悉除之民大化服徙知
南安軍至未及有所施為而公蓋已病以皇祐四年六月廿七日卒於
官年五十有七自王雱凡十一遷其官至尚書虞部郎中公濮州之
歸也以其屬與公之配陳氏凡三十喪葬宋之北原皇祐六年正月
八日公之子師道遂以公從陳氏葬陳氏者衛之大夫孫文子食於
河上之邑曰戚為姬姓之後至後世失其所食邑而更自別曰戚氏
漢有以郎從高祖封臨轅侯者曰戚輿輿侯四世而失采有以三礼
為博士陳卒者曰戚袞袞稱吳郡鹽官人侍郎之曾祖曰遠祖曰
琮父曰圭其譜曰琮自長豐之戚村徙居楚丘故今為楚丘人此戚
氏之先後可見者也觀公之守其業者可以知其恭觀公之施於事
者可以知其厚矣然人亦少有能愛之者蓋世之為聰明立聲威者
雖荒謬恃冒無不遇於世至恭讓質直不能馳驟而遇困壓者獨不
可稱數余甚異焉夫赴時趨務則材者固亦重矣而立人成俗則繫
身積行是豈輕也哉然時之取捨若此亦其不幸不遇處之各適其
理也銘曰 隆隆戚宗自姬出臨轅監官耀名實侍郎家來自祖琮
違世恬幽樹儒術司徒郎中藝且賢詆符繩公事魁嶇恂南安得
家規莊容必詳若遵律唐哉世徽後宜聞刻銘方珉言幽室

故太常博士吳君墓碣銘

君諱祥字某姓吳氏事宋為太常博士年六十二某年某月某日以
官卒于家卒之若干日葬真州揚子縣之某鄉某原初君從進士試
屢次中年四十餘始中第為吉州軍事推官歸以選為開封府開封
龍門縣再遷為博士知鞏州之新水縣父喪除朝京師疾作遂求歸
真州真州君家也初君之屢汗於進士也既自力學問其業又師
其第務刻苦養其親入其門內尊安其卑卑慕其尊一時皆稱之及
從事於吉州第已死君夫婦痛自節衣食遂能嫁其孤女若干人皆
不失所時其在開封衣食常不白足而親戚舊故之至京師者多以
君為歸其喪父也以家之有無葬故葬不綴親戚或憂其貧欲出
錢為其止謂君一強也取其贏君嘆曰吾不敏既仕於朝言吾

素也喪乃欲為利乎平居恂恂不與犯者較及其自守人亦不能移也官歸常飾屋以居既卒幾不能葬曾大父某大父某父某以君之恩為大理評事妣某氏某縣太君太君之喪君致其哀有過人者妻朱某縣君余姨有助於君子曰某女嫁亳州觀察推官張天經誣葬某某為碣於墓而與天經來乞銘於某天經以材名人皆曰其尚能存君之家者銘曰維吳先君大王之嫡禪聖圖民於東甯其後孔蕃以國為氏君紹厥宗其德則類儼著于家勤著于身不苟其贏卒死於貧維時之人命士大夫編冠素蓋爭利於途苗具君慕願或災之非彼可議維世足與較于銘音君有則多以遺其孝非厚如何

高郵主簿朱君墓誌銘

君諱某字聲知姓朱氏其先家于彭城五代之亂涉于江南今為淮南人曾祖某不仕祖某贈刑部尚書父贈殿中丞君嘗為試秘書省校書蘇州知長洲縣高郵軍之高郵主簿以卒卒時乾興元年六月十九日也後卒之若干年其子象之東之外之延之奉君之喪葬天

第二十九

三

長縣之秦瀾望於是時象之某官乘之某官以材名餘皆為士某官以書命某曰子其為我銘之而以狀言公之為人智計喜施予少從師學問已而捨學業其家家之食口數百侷於君君能資之皆出乎衣食嫁娶皆有條法殿中之第工部侍郎某初舉進士數困欲不復往君勸之曰弟行無以廢為念故侍郵得西就其志至為達官大其家後卒官君既居官以材稱其為身務於廉臨獄訟務為恕毋旌德縣太君娶取氏又娶曹氏女歸太常博士吳天祥柳州馬平知縣陳許他州推官李樞其季歸于曾氏某之先君博士也舅氏寔命其銘其敢辭銘曰推心於家其愛已孚用力於官蓋以其餘得官於晚壽五十四故不大顯以極其志

張久中墓誌銘

張君諱持字久中初名伯虎慶曆三年來自曲江入太學當是時天子方詔太學考天下之士材行純淑著於學者處處入將特寵之以風天下士之業於學也子有餘人學官莫以為可獻將必獻君會學散乃止於是時予蓋未嘗識君也後二年過予之所居臨川始識

之君爲人沉深有大量喜氣節重交遊一時與之游者其衆而君所
尤稱者廣漢張貴以爲年少可進以學者蒲陽陳博蓋君之學多
資發之而於博以師友自處也凡君之與人交喜窮盡其得失其義
足以正之而其直未嘗苟止也至其與衆人接尤溫以莊不妄與之
言與之言必隨其材智所到不病以其所不爲故君之交皆得其
而喜其相與之盡衆人之得君游者亦皆喜愛而未嘗有失其意者
其語曰士生於今勢不足以持世而遊於其間當如此也於臨川出
其父早因與子言吾今治亂是非之理至於爲心持身得失之際於
其義我子不能損益也後二年死於興國軍某月某日也明年其家來
江南以力之不能將獨負君之骨以歸是時陳子方以進士得出身
約君之弟曰吾不忍不全歸吾友邪明年吾不補爲吏力能以君之喪
歸其弟乃止君年若年相某考某君幼孤養於兄嫂嘗曰嫂之於吾
猶母也婦能以姑之礼事吾嫂者可以爲吾婦矣然卒亦无也君固
難交然不易其好而陳博者與君交尤深也子嘗暇博與君之相從
憂窮齟齬无不共之其中心豈且有利然也世之交友道廢久矣其有
之或非此也然則君之士其有取於世教非邪博以某年某月某日
歸君之喪葬地而屬予銘曰 嗚呼久中不如其志孔孟以然何獨
於子生而不大天固爲之其長在人於此觀之

亡兄墓誌銘

君姓曾氏諱某字茂叔有智策能辯說其貫守友復人莫有能屈
之者身窮爲生事或毛密應之无留而讀書理筆墨交賓客復思
事未至當如何亦不廢也歡愉憂非疾病行役寢食之間書未嘗去
目故自上古以來至今聖賢百氏騷人材士之什訓教益成辯義識
述下至浮夸詭異之文章莫不皆熟而於治亂興亡得失是非之際
莫不能義焉其文章尤宏贍環麗可喜三代遠矣漢以來世有成事
業就功名之時則賢且謀士材伎之人同世並出常若有餘至時或
无所用之則士雖往往有紀而亦不俱見於世蓋隱窮之委於巖
壑間巷之中者豈少哉如君之材知辨博又其學如此使得用其意
於事其設施必有異焉然卒不克見於世蓋亦豈非其命也夫君年
四十有五皇祐五年以進士試於廷不中得疾歸卒江州祖之某尚

書戶部郎中贈右諫議大夫考諱某故太常博士妻李氏子曰某曰某女二人卒之歲丁二月某日葬建昌軍南豐縣之某鄉某原其里也某其為其銘曰 世或須人中士為材有非其應聖不能許故君之學於已為足與世為垂刻銘幽石維以告哀

王荆公祖母太夫人謝氏墓銘

宋故衛尉寺丞王公諱用之之夫人尚書都官員外郎贈尚書工部郎中諱益之母姓謝氏累封永安縣君其卒皇祐五年之六月十四日其葬於撫州金谿縣之某鄉某原既卒之百有五十一日也其子曰益曰某皆已卒曰某曰某曰孟楚州司理參軍亦已卒其孫曰安仁官州司戶參軍曰安道皆已卒曰安石殿中丞通判舒州曰沆荆南府建寧縣令曰安國曰安禮曾孫曰某曰某曰某其墓工部故人之子曾其誌之曰王氏繇工部之叔父尚書主客郎中贈太常少卿謹觀之始起家為能吏遂追榮其父諱某為尚書職方員外郎至干工部父子遂皆進干朝為聞人其世浸大夫人及拜其舅與夫之榮而享其子與孫之祿其壽至于九十其卒於撫州之臨川安於其寢余

既與夫人之諸孫遊而嘗得拜於堂上見其色和其容謹聞其言憐而勤退而聞其為婦順為母慈知其所以享其福深者其宜也已余觀詩人之歌其后妃至于諸侯大夫之妻內修法度輔佐其夫而其效之見則瑰置之人至于江漢汝墳之婦女皆承其化而篤於禮余固歎其當是之時上下之間內外相飭何其至也如夫人之資員而使出於其時則必有歌於風而被之于無窮之事若余之鄙其亦見能知其所至也哉謝氏之祖曰某考曰某銘曰 士顯其施其行難知女處于私其有執窺嚴嚴秀眉不見缺虧曷以長之眎此銘辭

王荆公母太夫人吳氏墓銘

仁壽縣太君撫州金谿吳氏尚書都官員外郎贈尚書刑部侍郎臨川王公諱益之夫人衛尉寺丞諱用之之婦年六十有六嘉祐八年八月辛巳卒于京師十月乙酉葬于江寧府之蔣山夫人好學強記老而不倦其取會是非有人所不能及者然好問自下於事未嘗有所專也其平生養舅姑以勤孝七子而少五人吳氏出也然夫人之愛於長子甘於少子曰吾之愛其於吾子然後家人愛之能不異於

吾子也故其子孫壯大有不知為異母者居之二長子也絕夫人
已老矣母異其整婦異甚而身為字其孤兒忘其力之僮也其處內
外親疎之際一主於思有踞罵已者數固苦常置之不以動聲色亦
未嘗有所含怒於後也有以窮歸已者急或分衣食不為其計較
以其故至不能自給然亦未嘗不自若也其婦三徙之孤女也已女
而待長子之母族猶已族蓋篤行如此而性之所有也其自志養
未嘗擇衣食其視世俗之好無足累心者力其隱約窮困之時疑
嘗選用其子其子堅讓至於數十或謂可強起之夫人曰此非吾所
以教子也卒不強之及處顯矣其子嘗有歸志而以不在於養為愛
夫人曰吾豈不安於命哉安於命非有待於外也其子為知制誥故
事其母得封郡太君夫人不許三品或卒不及封此夫人之德見於行
事之迹而子以通家故執於耳目者也夫人之考諱政政之配黃氏
兩人者皆有善行鄉里稱之而黃氏兼善陰陽術數學故夫人亦通
其說七子者曰安仁安通安石安國安世安禮安上安仁宣州司戶
參軍安石尚書工部郎中知制誥安世太平州當塗縣主簿安禮大

尚書

六

各府華縣主簿餘未仕也女三人長適尚書虞部員外郎張奎次
適前衢州西安縣令朱明之次適揚州天長縣令沈季長孫男九
人曰雋雋秀旌旉旉旉旉旉旉旉旉旉旉旉旉旉旉旉旉旉旉旉旉旉旉
公翊次訐嫁太廟齋郎吳安持餘尚幼銘曰嗟若夫人洵好善若
方始終一德仁七子方遺存細故萬九族方脫耳惟食光惠施方以
義易利能無累方縱心委命志弥邵方謂且賜感忽捨迷方風有采
蘋詩所首方原念美賢輯此辭方庶幾德音與古對方

南豐曾子固先生集卷第二十九

南豐曾子固先生集卷第三十

墓銘

弟銘

妻銘

妹銘

女銘

弟銘

熙寧十年子蒙恩予告葬其弟子翊於南豐維子翊姓曾氏諱宰
字子翊世曾人今家建昌軍之南豐學子翊少力學六藝百子史氏記
鐘律傳注箋疏史文字目覽見口誦手抄日常數千言手抄書通榻累
笥不能容於其是非治亂之意既已通至於法制度數造物立器解
名釋象聲音訓詁纖悉委曲貫穿旁羅無不極其說且老未嘗一
日易意其為文馳騁反復能傳其學為人質直孝悌抑畏小心少年
飲酒歌呼解放縱之事未嘗一接焉其學行如此於世用宜如何也

曾銘三十一

然位不過主簿壽止於四十七其非可哀也夫子翊嘉祐六年進士
及第歷舒州司戶參軍潭州湘潭縣主簿所居官理其去思之其
學於古者蓋未嘗試也有子經綏純約女適饒司戶參軍曹唐弼次
尚幼也曾祖諱尚書水部員外郎祖諱尚書都官員外郎先太夫人
吳氏吳興郡人君今太夫人朱氏南昌郡太君妻張也子翊熙寧元
年四月乙巳卒於湘潭十年三月庚申葬於南豐龍池鄉之原頭銘曰
好學不倦 以及其詳 力行不已 亦蹈其常 見於遺文
華衮之章 含其淑德 璞玉之良 于舒于潭 非試其有
方疆而盡 又奪其壽 畜而不施 則既已矣 贊而益明
尚監于此

妻銘

文之木姓非氏諱德儀字文柔年有十四嫁余余時苦貧食口眾文柔
食非衣服白若也事姑遇內外屬人無長少遠近各盡其意仁孝慈
恕人所不能及於櫛珣心服祖屬人所無兩推與之不待已足於
燕私未嘗見其惰容於與人居未嘗見其喜愠推意降色約已以法

度學士有大夫有不能也為人聰明於事即見立解無不盡其理其
既可見者如此蓋天昇之德而失其年遺以相余而奪之蚤余不知
其所以而又不自知其哭之之慟也文柔以嘉祐七年三月甲子卒
于京師年二十有六余時校史館書熙寧四年追封宜興縣君十年
三月庚申葬于建昌軍南豐縣龍昌鄉之源頭余時為洪州文柔有
子甲曰紹太廟齋郎曰紹未仕也女曰慶老三歲而死晁氏世家澶
州清曲縣今為開封府祥符縣人文柔曾祖憲贈太子太保祖佺贈
太師中書令考宗恪光祿少卿余南豐曾其子固也銘曰人孰不貴
子逢其窮世誰不壽子而惟其凶維德曰跽生不見其止維聲曰遠歿
不見其終子能自得對者在人遺以輔子曾不遂巡歲去其逝余悲
孔新其孰昭之塚此幽氓

妹銘

先君天常博士贈尚書都官員外郎曾公之第八女名某字某生而
惠淑於女工不學而能於孝愛天成也生二十歲詎嫁大理寺丞
王幾行有日天嘉祐六年九月戊寅以疾卒于京師熙寧十年三月
庚申葬南豐之源頭其兄為銘曰

歎訛尔質

而伐其成

尚千萬年

尔室之寧

女墓銘

南豐曾氏葬其二女其父某為誌曰余校書史館凡九年喪女喪女
弟喪妻晁氏及二女余窮居京師無上下之交而悲哀之數如此二
女曰慶老吾妻晁氏出也生三歲而天寶嘉祐六年十一月壬申方
是時吾妻晁氏病已革慶老疾未作之夕省其母勸慰成人中夕
而疾作遂不救蓋若與母訣也曰與老吾親室李氏出也卒時始二歲實
治平九月甲寅葬時余方鎮宿景德寺試國子監進士不得視其疾
臨其死也二女生而值余之窮多故其不幸又大以死所謂命非邪
熙寧十年余為洪州始以三月庚申葬二女於南豐之源頭同穴慶
老在右興老在左是為誌

南豐曾子固先生集卷第三十

南豐曾子固先生集卷第三十二

詞疏

祈晴詞

謝晴詞

祈雨詞

祈雪詞

謝雪詞

中秋祭許真君詞

大悲祈雨疏二首

大悲謝雨疏

謝雨疏

請文慧和尚住靈巖啟疏

請文慧和尚開堂疏

邪溪謝雨文

雍山謝雨文

諸廟謝雨文

同前

同前

泰山祈晴文

諸廟祈晴文

諸廟謝晴文

諸廟祈雨文

祈晴詞

古伏以道實無方物來斯應民惟難保食足為先惟穡事之將誠

白二十二

而雨澤之不止腆然省懼豈敢皇寧蓋茲疲瘵之民已出旱苗之

後室家彫敝閭里愁嗟如復荐饑將焉託命今蚤稼甫畢晚苗方

興窪下之田已傷流潦亢爽之地實懼浸淫是故虔對眸容仰陳

淨懇伏望廓山川之曠滯回日月之光華詣此順成湛然澄霽齊

寔祈真陰俯慰輿情謹告

謝晴詞

右伏以比虞水溢將敗歲功不自皇寧敢陳艱迫果蒙陰施即畀時

賜田里歡呼塗塗盛有望推靈靈所以賜於人者豈愚足以勞之尚冀餘

休終成多務民能自保神則有依謹詞

祈雨詞

今歲之初未愆雨澤然而麥綠薄稔結莢不甚宜則民之窮蓋可知

矣茲茲農望惟在秋成而溫風方騰旱氣亦盛敢干真陰仰有虔

誠有禱于神尚其降衷時賜甘露俾歲無害亦神有依

祈雪詞

竊以窮臘未雪方冬尚溫人有疾癘之憂地無膏澤之潤職在緜

熱心焉震慚敢祈膚寸之雲播為盈尺之瑞盪除瘴氣順致時寒
使閭巷消蒸瘴之苗疇疇成多稼之利審依乎佑俯徇微誠

謝雪詞

此陽窮臘之期又苦亢陽之沴敢邀西施仰荷東誠蒙膏澤應時
致和寒之協序人無疢癘之患物有豐成之祥實賴洪休敢忘昭報
更祈密雪尚及餘冬

中秋祭許真君詞

右伏以陰功及物靈德在天紉惟真馭之外寶以中秋之序入思餘
烈歲自遺祠故茲守土之微敢躬愛民之素俾往著於薄具尚小庇
於群生

大悲祈雨疏

右伏以盛夏在辰常暘為沴稻將萎瘁人用嗟息爰繇更治之不明致
奸和氣維佛乘之無礙善濟羣生是敢同被精誠虔祈覺薩觀滂沱
於膏澤俾浹洽於原由用救焦枯實依慈惠

大悲祈雨疏

右伏以維歲子安盛陽飢亢旱暵茲久陰雲未興更非循良敢不任
咎佛有茲更則宜降祥是躬溼懇誠虔祈與陰禪風雲之奮作致雨
雪之漸涵田畝順成里閭安輯仰期真理俯徇輿情謹疏

大悲謝雨疏

右伏以民無常心惟安於是食佛有慧力善救於含生以緣盛夏之
辰又共轆陽之沴懼傷稼穡特致凶饑故仗節之儀良既守灌之
到陋俱陳精懇虔對容果蒙感答之慈立致滂沱之澤溥除害氣
勃起良苗變瘵在茲物遂更生之理身真愛以善人誥勸去感之心惟是
鴻私敢忘昭報尚期降貺無辜有秋

謝雨疏

右伏以比以常暘仰祈古真降果獲慶澤之澤大蘇焦旱之田敢擇佳
辰特伸謝尚期降福有秋

請文慧和尚住靈巖巖誌

伏以道天無言理惟盡性非得圓通之士孰開方便之門長老風流
宗某亦明行相家唱天衣之曲印傳蓮麈之心自建法幢久飭蓮偈

今覽閩郡請延居古佛之場幸結衆緣時垂重諾謹疏

請文慧和尚開堂疏

竊以心雖離相因相始可明心道固無言指言所以顯道若投罾於
空谷水應繫於洪鍾感而遂通欲其自得此者三學並湊四衆齊臻
咸伸半偈之咨共望一言之益幸提海印直示真詮開悟迷徒光揚
佛事謹疏

邪溪謝雨文

吏能奉法令治獄訟督賦斂而已導和氣致豐年則力不能德不及
也故一有水旱則輒禱于鬼神嘉象降答則自恕以竊食此其之所
不敢不自訟也今茲請雨不能異此獲神之賜敢不虔報惟神之靈
德既足以醮動靈施于此民尚終畀之有年則神之依人亦永有賴

雍山謝雨文

迺故秋至今春雨不霑足麥苗將稿稻不可種民將無以為命吏不
知其所以為惟神能興雲致雨設於古經信於百姓之耳目是用奔
告來茲降答迺迺戊辰雲起西北至夕大雨達于甲戌四境告足麥節

由二十一

三

德榮稻可播種民得以託命吏得以竊食惟神之威靈大惠于此土
澤大施于斯人敢不嚴報尚其慈惠俾屆大穰則人於事神永永
其不敢怠

諸廟謝雨文

吏治不能順陰陽時風雨而以歲之旱奉告于神賴神之靈時賜甘
雨敢不嚴報尚其慈惠

同前

積稟驕陽莫救種苗之瘵獲茲嘉霖尚茲秋物之榮冥荷靈休敢
忘松報

同前

比苦亢陽且陳誠意對是蒙甘露敢不昭報

泰山祈晴文

去歲之水其為害大矣天民之免於死亡而不為盜賊亦幸而已矣水
之既去於元隄防修彊隄以從事於田且難且勞亦其云天使今歲
大穰以心未足以復其分今苗始蒔而雨不止若將又病之則民有

轉死之憂吏不能事神治民以降茲沴不敢泄其責然沴之既降非吏之所能扞而止也惟神舊休吾民而得食于此土扞患除福固神之職敢不以告使雨速止而歲有成亦惟神於此土亦有依歸惟神其尚之

諸廟祈晴文

敢告于某廟之神曰涉歲以來自春徂夏久陰不解積雨已多今麥待燥而成待陽而種而雲屯尚密土潤方升農皆猶冀吏用深懼百姓之困其矣惟神特與念平尚其開除山川相導出白仰歲無害為民之休謹生

諸廟謝晴文

敢告于某之神曰比苦而靈懼為歲害蒙神之德賜以時暘人皆獲麥甫成里閭相慶敢不嚴報尚祈終惠

諸廟祈雨文

今麥苗方出而時澤尚愆冬令久行而寒氣未應嗟吏治之不善以奸陰陽惟神埋之無方能興雲雨是用兢慙以任谷蠲祓以乞靈尚其降休以答人望

南豐黃厚子固先生集卷第三十一

南陽高子固先生集卷第三十二

祭文

泰山祈雨

同前

同前

諸廟祈雨

同前

蕙山祈雨文

邪溪祈雨文

五龍堂祈雨文

靈溪洞祈雨文

諸葛武侯廟祈雨文

謁舜廟文

謁夫子廟文

同前

同前

謁漢高祖廟文

泗水臨廟

謁諸廟文

祭漢任子文

祭歐觀文永叔文

泰山祈雨文

泰山六齊仁聖帝之神惟神含德體仁鎮茲東夏與雲致雨澤施八紘今

此齊邦近在山趾方夏父早麥苗將萎而思其尤再告君望而人微

言賤不能上動顛陰復劫忽已蕪旬念此疲民弊於征斂方歲之富

食常不足一遇災害必捐溝壑惟神威烈覆被羣生願此比州宜先

蒙賜豈伊靈眷獨乃遺之今是飭遣吏民布說祠下情窮等忍其異

獲哀於使一雨而沛然則倒懸可解尚其降臨無作神

同前

去歲之旱有請于神蒙惠嘉澤雨則大稔今春河役發民二萬更休

廢送泉又倍之蓋此齊人出幾半迨其反室雖夏之初勞費既深又

違穡事夫民數歲乃遇一稔歉之如此其幾尚完今夫麥方苞而亢

陽為虐更在其外所不敢逃惟民何辜賴神終惠能致雲雨則實在

神尚其念之故敢以告

同前

自秋不雨方冬尚溫麥田苦於旱故民至夏於疾厲永惟責仁內集

知慙惟神作鎮於宗著靈南夏敢歷由夷之懇冀回隆鑿之仁遂

俾膏澤以時祀其式序賦歎克請於豐田里間皆保於靖康尚其望

休副此群望

諸廟祈雨文

去歲經冬時雪不厚今茲春晚膏澤尚微農於稻田待水而種苦茲旱涸人用焦然吏不能有惠於民而惟歲之善則縣清事簡尚有望焉是用瀝懇有禱于神惟神依人尚其降監使雲然下雨以大濟于此邦則人於事神亦曷不盡

同前

敬告于其神及之罪大矣一切從事於誣繩墨賦斂而已民之所欲不能以所惡不能去自如以竊食不知其可愧安能使陰陽和風雨時乎故若其老任聘于外六年于茲而無歲不勑於請雨賴天之仁鬼神之靈閔人之窮輒為甘澤以救大旱吏知其幸而已其為酒醴性糲食以報神之賜曷敢不虔惟神尚終惠之使永有年則神亦無窮有依于人

雒山祈雨

致祭于雒山之神取山之水供養于州之開元寺道場而告曰誌言衆山雲起此山無雲終不降雨衆山無雲此雲起必降大雨是能為雨能為不雨在神而已今歲數不登而旱氣又作吏之不良無所逃罪民貧可閔神能為而不為是何情哉神其為民出膏寸之雲致數赤之雨使凶為穰以救民之急則此邦之人所以報事神者子子孫孫其孰敢怠尚其念之無作神者

邪溪祈雨文

自去秋至今雨常不足今麥苗將插種未布而春既盡矣又不雨至於十日則必以盡無種不可種民將安以喜命乎吏知其急而不知其所以為神知其急而力能為雨者也其亦何惜數尺之澤救民於無所寄命之急乎故敢以請尚其鑒之

五龍堂祈雨文

迺四月以旱禱于邪山邪溪應時得雨麥以豐成稻可播種獨異於他境豈難其賜乎猶田又乾矣此邦之人皆謂龍虎之河五龍之神禱雨靈應余敢告神其降監大施澤于斯民使獲有年則人於報神亦無報數無邪山邪溪專美于此邦以作神者

靈溪洞祈雨文

吏不勝任特致阜苗熾于山川為贖已甚然稻田日瘁民命所託夙
夜憂懼不知所為惟尔有神出載聖德是用醜顏有請忘其歉者尚
其降祥時賜甘雨俾歲無空羅神之休

諸葛武侯廟祈雨文

致告于蜀丞相武靈王之靈天子以歲旱所波者廣分命守內禱云
境內鬼神有靈德在於人者維靈有志於民獲矣故敢以告尚其
降監大施澤之四方以稱 天子憂人閔雨之意

謂舜廟文

維神以豐功盛德作鎮此方宜有別祠以稱民望其受命于土政
薄薦

謂夫子廟文

惟夫子言行之所以蓋不得而學者師仰各以手之所及而已其潛
心久矣茲者受命抽封進謁廟下散陳薄薦式遵典禮

同前

宜獲承餘教列職書具來守此邦敢遵常禮躬謁祠下尚其臨之

同前

惟神播擇在人廟食茲土守藩之始敢修禮謁尚其降惠以佑吾民
窮尚其降衷格寤學者

謂漢高祖等廟文

惟靈功德在人廟食茲土某列官之始敢修禮謁尚其降惠以佑吾民
謁城隍廟文

惟神播澤在人心降食茲土某守藩之始敢修禮謁尚其靈德常庇斯
民神於無窮亦永有賴

謁諸廟文

惟神以功德之美列于祀由其受命守土敢陳薄薦常垂陰施以
惠此邦

祭徐孺子文

年月日具官曾某謹以少牢清酌致祭于漢聘君徐孺子之靈維
見幾道世降德在人此邦所仰于其軀亦新是用訪舊作室設象以神

尚昭潛美開龍其昌敢借宿屬躬薦其繁

祭歐樞文永叔文

維公學為儒宗材不世出文章逸發學深炳蔚粹精韓馬思兼莊屈
垂光簡編焯焯若星日絕去刀尺渾然天質辭窮卷盡言意未卒請者
心醒開蒙愈疾當代一人顧無倚立諫行抗議氣震回竈發行無前
跋情非恤世偽難勝孤聖竟空紫微玉堂獨當大筆二典二謨生明
成室頓陟弥厲誠志壹期酌損無謂思得失經邦慮明決心造膝
帝曰汝賢引之拜輔弼公在廟堂尊明道術清靜簡易仁民愛物斂不
煩苛令無迫極接賢木索里安戶逸櫓效兵革天清地謐曰進曰退
從谷宜勿開建國不情忠心力志卯未之歲龍駕風歿再極天觀一紉秉
功高坤正位上下有救功被社稷等夷召異公在廟堂總持紀律一
用全直兩心不挾朋比不重異訕嫉獨立不回其剛化仇愛養人
材獎厥功德極道遠忠實內外洞澈初終若一年始六十懇辭冕黻連
章累歲乃公前所允放意任蘇大脫遺羈馬力沒圖史左右是度志氣
浩然不問蓬蓬草意謂百齡重休累古還幹鼎輔贊微計安於公胡傾死
故遺則弗聞計失聲眦淚橫益駭冥冥不敏早蒙振袂言歸公誨行踪
公率誠德不酬懷情獨慙西望輻輳黃特紉緯維公登榮德義
讚述為後世法後人不沒託辭叙心肩能影歸嗚呼哀哉

南豐曾子固先生集卷第三十二

南豐曾子固先生集卷第三十二

祭文

泰山祈雨

鮮溪禱雨

諸廟謝雨

秋祭

祭十六大監

泰山祈雨

泰山謝雨

諸廟禱雨

題禱雨文

祭王益都官

祭黃姑夫

維熙四年歲次辛亥六月甲寅朔十一日甲子具位曾某敢以清酌之奠告于泰山天齊仁聖帝之神曰維泰山歷占至今有天下者巡狩封禪勳成告代莫不之焉或企足動容莫能至寧見卓瑋殊尤神明之地故天下宗焉二曲所記其光靈威烈焯示万世夫豈他山可得而視雖齊與魯仰而事粒食縷衣莫匪陰施今二并不雨自四月訖于茲積水之澤塵起具具粟將稟死蝗亦滋生雖政或不良

足以致此而百姓向罪宜蒙哀矜彼撮土之山勺水之川尚能與民為福錫之有年豈如泰山朝出一雨春澤天下其勢之易易於轉圜而比近記屢顧不雨憐殆莫之或告星或不度夫民之生蓋亦艱矣無儲與蕪重歛煩使歲一不登多濱於死茲強無知或起乘時聚為盜攘以取誅夷循理安業周閭之民亦與俱亡矣可不傷某受命天子守藩于東敢齋以嚴告早靈宮惟神閱人之病助歲之功濔然下雨變冷為曲昂而俾斯民以牛羊黍稷得承事于無窮

泰山謝雨

愚行為時之所背言為時之所輕寡信和眇眇榮榮奇於人而如此敢望信於冥冥屬東轅而進謁託斯文而薦誠眷齊魯之舊邦依大鎮之崢嶸苦旱魃之方驕憂歲事之不登民且瘠於溝壑或推埋而死兵翼聰明之響登霈膏雨之霄零言子寧而上訴心徹况而潛薦願不能以諧世將何勳夫威靈乃不知夫神與道而為徒瞻官默而艱明其虛心也物有來而必應其公聽也事無增常情被大雖自大小雖謂小吾與善焉已矣常一視而持平故微衷得以上繼利

澤為之旁行或噫為風或震為霆隱然雷出雷然雲蒸霧縹霖霖
霖霖於無形蓋西極于甸服東屬乎滄溟人盈其望物生於
其其而擢秀粟蕙疑而敷榮使時於遂愬年功可成人人良登乎鍾鼎
神祀行乎象盛民相安於田里吏無用於威刑信大恩之莫報而至
德之難名愚所以意激而感深者方涉世之寒丁荷降慶之下昧知
忠信之可憑敢因辭以進謝悃酬恩之非精

善溪禱雨文

年旱也誰謂為之其其之稼將槁而萎嗷嗷之衆曷望而依惟閩
屬者寇賊之罹連其既附我士已疲餘醜成群百十睚眦跳踉山沒
負方乘燼亦有為渠諸酋所推相望其未受集羈安素莫寧遠
近並疑我豈思柔亦震以威從有法賞不從係曩或據而序或就羅
微遠歲朝易湯定無遺山林夜行突語追隨吾人即安全搜而嬉士
馬亦奮桓桓駭駭 天子聖德海邦是綏惟此海邦初亦難飢今寧
字矣師征始歸今足食矣厚實尚微若歲大熟如果如茨如京如坻
自公及私獄無訟數里無盜窺式無永世方始在茲今此大田既碩
而齊俾不卒成孰為斯神有靈蹟國人所祇神有顯号 天子所
躋葦能起之槁能澤之胡寧有餘歛而不施我用十日早駕以馳即
告壇側尚其聽之 讓其驕陽騰雲覆霓播為甘露沛洒淋漓俾農有
秋百物且宜息偷與爭長置刑咎人於報事且有數思

諸廟禱雨

常賜為珍將室農功夙夜懷憂不遑啓處敢邀靈貺特賜膏澤俾
人獲濟惟神亦永有依

諸廟謝雨

惟閩之人前歲苦飢去歲苦盜足食而安期自今始而方夏旱暵
害穡事茲余用稽于象蓋可以徵福於民者罔不馳告不敢變力不
敢寧居賴神之仁再以膏澤自未至西遠近周浹惟歲大熟可立而
需敢飭耳邊報用典祀吏無明德而但知告困急之於神神既賜之其
尚然惠

題禱雨文後

福州元豐元年戊午自夏四月甲子至五月辛巳凡十有八日不

兩田已憂旱太守率屬吏士分禱諸佛祠迎像能致雨者陟之通路
用緯圖法為道場率屬吏士羅拜以請丁亥夜五鼓出禱鱧溪屬吏
士分禱群望巳丑率屬吏士諫食夜四鼓就城南述水祭告后土將
為壇祭龍庚寅諫食巳丑夜三鼓就壇壇封德祭龍辛卯夜五鼓
就視牲血以法推之當得雨壬辰就紫雲壇用青童二十有八人
更祝蛇場如古法癸巳分禱諸祠未徧者取黃蘗山龍潭水置道場
率屬吏士往請甲午又往乙未夜二鼓得雨連三日夜遠近皆有餘
蓋自辛巳至丙申凡十六日無日不致禱自丙戌至甲午四境多得
耳至丁酉乃皆有餘是日罷道場還所迎佛像及水送蛇場南澗之
濱庚子徧祭謝欲知閩越之間兼旬不雨則已憂旱而請禱之為不
誣也故刻其祝辭於石而并譜之

秋祭

祭于益都官

年穀登所以祀山川鬼神報成也刺史不敢隨舊典推神歆之尚身
鳴乎鍾山南下百里平野紅流滄滄從此東瀕昔公來臨諸侯是監
何先不耕何莠不芟人樂公德公樂其和公與邦人從容笑歌今公
之謝功像孔多即起幽室其封坡地公靈不亡豈去而他公退於家
自克以寬人誰如公內外行完人皆望公壽考而貴若可以譜而止
於是公卿纓纓十百為輩朝門一開巷滿車蓋可取之事多於所得
公不為彼其又何戚維公有子實天啓之文可為法行可為師其之
不肖辱遇山交相從於今古道是守公之方葬其在京兆執事不獲
寓薦一觴

表大監

於乎越蜀荆吳三方五里公馬駢駢快印而使鑿壙海聚獄無滯辭
峨岷印棘皆走京師東南之粟風船手符歲填大倉万艘尾錯遂副
會府建其心畫出屏于宣以我偃側九卿之行得謝以歸凡廿八里
昔時布衣進退則然當世所嗟不貴以驕不富以吝者謂其行坦坦
其表障然順退長者之風白髮雖多几杖未隨笑言在耳已哭于帷
莽然憐我孰如公允先人不幸託載公舟我生方屯冀德莫疇著
醜則微以陳我悲尚饗

祭黃姑文

維其正月日南曲黃姑其謹以清酌庶羞之奠祭于亡姑夫江可及黃月
之申也嗚呼 宋且百年號令万里勢日興除疋者掃元巖林里秀駘
駕而使蓋君之生有時如此當世之官方微有成盛者廟坐幽此正
命千隸百司進退聽出長四方玉父金乘邦侯眾解傳德而令微
者紛紛或陪或正千品万名各有操柄人皆敏手捷取能併君獨於
求以死終病同時之人勤營善事南方靈儲金万龍裝誠下遺餘野積不
能權憤君獨一身衣食常廢茲非其命曷以至茲君能自達可以死
悲親戚念君能不感歎我之老姑歸為君婦与君歷年顛沛同有今
對其孀寧匪我傷來問來弔屢至其室拜君南山冬氣已冽薄醪時
差觴巨肅吸文以茲文与君一訣也

南豐黃子固先生集卷第三十三

南豐曾子固先生集卷第三十四

祭文

祭李白文

祭王平甫學士文

祭王元澤待制文

祭曾太博文

祭關職方文

祭吳彥弼文

祭柳子玉文

祭壽陽縣君文

祭李白文

謹以清酌庶羞之奠致祭于唐待詔翰林李君太白之墓曰子之文章傑立人上地闢天開雲蒸雨降播產万物瑋麗怪竒大功自人力向施又如長河浩浩奔放万里一寫未勢猶壯大騁厥辭至於如此意氣飄然發揚雋偉飛黃馱駟軼群絕類擺棄羈馬平脫遺轍軌捷出橫步志敵四方側視駑駘無物比始來止堂旋去江湖麒麟鳳凰世出且能拘古今僻儒鈞章摘字下里之學辭卑義鄙士有一曲拘牽泥滯亦或狡巧爭馳勢利子之可異豈獨茲文輕世肆志有激斯人姑執之野子亦長民舉觴墓下感歎餘芬

祭王平甫文

嗚呼平甫使江河不足以為子之高談雄辯吞雲夢不足以為子之博聞強記至若操紙為文落筆千字徜徉恣肆如不可窮秘恠恍惚亦莫之係皆足以高視古今傑出倫類而况好學不倦再娶愈專自行獨立在約弥厲而志屈於不伸才窮於不試人皆待子以將昌神而速子以長逝嗚呼平甫念昔相逢我壯子稚間託婚姻相期道義而心腹於趨亦請親於樂身何堂堂而山立忽泯泯而飄駛計較皎而猶疑淚汎汎而莫制聊寓薦於一觴奠祭斯文而見意

祭王元澤文

自周為秦六藝散亡泯泯紛紛更漢終唐設行淫辭博離經常天生相君典領斯文篤生我公達觀博聞左右元后遂迪天民 皇帝曰咨汝曾天器方見相君汝嗣講求輔訓厥遺以悟後世覺三年書成賜在大學 皇帝曰俞道廢千年乃昭于今亦惟汝賢汝登龍圖以對文功公孫不居道則弥冲昔者孔子實克嗣韶向被毀自為間異

問時述作也我公是道德之澤遂及後然嗚呼公才其得自夫不自
問其甘中塞淵渟渟清明聖文之景不難出沒縱橫淵默雷轟我意彼
天以繼有為命難謀哉而不者且已西計開 皇帝曰吁天與汝能
聖女漸撫今其亡矣人孰助予吾且能志贈諫大夫相君白首墮涕
悲剝嗚公朝夕予天喪其等備數膝庠厚賜則深聞問則然哀首
董心循祭以辭其或來歸

祭曾太博文

嗚呼公以罪廢實以不幸卒困以夫亦惟其命命與并違人實知之
名之不幸知者為誰公之間里宗親黨友知公之名於嘗無有嗚呼
公初其志如何孰云不諧而厄孔多地大天穹有時而毀星日脫敗
山傾谷圯人居其間万物一徧固有窮通世數之然至其壽大尚何
憂壽憂之百年一蛻以死方其生時寤若囚拘其死以歸恨令空虛
以生易死死者不初唯其不見生者之悲公今有子能隆公後雖彼
生者可與甚悼嗟理則然其情難忘哭泣馳辭往侑奠觴嗚呼哀
哉

祭關公文

嗚呼關公以文中科以材為吏艱于厥初四十始仕終領兩州其治
大雖仁老于朝即言以崑崙七大夫觀望嗟咨孰為公居竹水之寒
孰為公園正據湖山公出公休八子侍側仕者大半同時共籍其声
顯揚其習順慈乃石之風百計相差有後如斯世誰能及而况公年
壽之八十或如公壽莫如公安履勞無少其意桓桓拜公以晚見托
以烟書獨在視訂已及門福祿之全在公矣憐念昔思來族親之感
吊廬在東遠一及魯近敘斯文千里之外纏綿之情已於一醉嗚呼
哀哉

祭吳彥衡文

維年月日其謹以庶著之奠致祭於彥衡吳兄之靈子之為人思良
沉實真大斷言不隨衆浮其譽軒軒書無不講尤精左氏連評累句
往往能記秦漢至今千載所錄子以一心乃事博濬識能議論文可
傳道偶章刻句獨聚於子自其取士歸之有司今獨不然左繩右規
愚庸不肖得以達進優材秀行往往而擯故子之生不薦一鄉不試

於位鬱鬱塞埋藏子於眾人意尤少可病寫其文獨以示我
可以存子子望則然予豈堪此惟昔與子齒於學官京師之深江南
之還離行旅食嘗同苦艱纒纒之義兩是以親憶問心病去歲之春
子形已革謝我猶勤謂其母妻曰我知子子母吾姑祇益其悲江冬
之仲日繫風恬有弟有子殯子居南我命為具觴且具設與言涕隨
長與子別


祭柳子玉文

嗚呼子玉南國之秀甚敏而文聲發自幼縱橫武庫精蔚文園獨以
詩鳴天錫雄味元輕白俗郊寒島瘦嗚呼然一鳴眾作卑陋凡今鄉相
初嘗謂舊平視青雲可到寧驟取云坎軻曰駭哉胆才高絕俗性疎
米詭譎危窮山遂是狸狖夜衣不繫朝飯絕餽慨然懷歸投卑纏綬
鷲山之麓往事神后道味自治世芬莫嗅凡世所欲有匪無就謂當
乘冷川界之六何不淑命也誰咎頃在錢塘憶然我翻相從半歲
日忘朝遊南屏暮德靈教馬雪惚虛坐清閑問奏沙河夜掃霜
月

故... 姓名... 弟如... 莫詩... 夫子後項

善揚門... 若王雪... 其如... 初允... 弟姑... 生

宣子周先生集卷第三十四





圖書在版編目(CIP)數據

南豐曾子固先生集/[宋]曾鞏撰.—北京:北京圖書館出版社,2005.7

(中華再造善本)

ISBN 7-5013-2876-5

I. 南… II. 曾… III. 曾鞏(1019~1083)—文集
IV. Z424.41

中國版本圖書館CIP數據核字(2005)第079097號

ISBN 7-5013-2876-5



9 787501 328765 >

書名 南豐曾子固先生集(全六冊)
著者 [宋]曾鞏 撰

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Btsfxb@nlc.gov.cn

Website: www.nlcpress.com

造紙 華寶齋

印刷 杭州富陽古籍印刷廠

開本 八

印張 四二·七五

版次 二〇〇五年七月第一版第一次印刷

印數 一—二〇〇

書號 ISBN 7-5013-2876-5/K·1127

定價 一三七〇圓

